

پولس، قرنتس میان

۱۸

۱ بزین پولس آتن ترک کوده و بوشو قرنتس. ۲ اویہ ایتا یهودی مرداگ
امرا کی اون نام آکیلا بو و استان پونتوس میان به دنیا بمو بو، آشنا
ببوسته. آکیلا، خو زناگ امرا کی پریسکیلا نام داشتی، تازه جہ ایتالیا بمو بید،
چونکی گلودیوس قیصر فرمان بده بو کی توما یهودیان و آجہ روم بیشید بیرون.
پولس اوشان ورجہ بوشو ۳ و چون اونم اوشان مانستن خیمہ دوز بو، اوشان ورجہ
بیسہ و مشغول به کار ببوسته. ۴ اون هر سبت، کنیسه دورون یهودیان و غیر یهودیان
امرا کله گب زہیی و توما خو سعی کودی کی اوشان قانع بوکونہ.

۵ وختی سیلاس و تیموتائوس جہ مقدونیه بمویدی، پولس توما خو وجود وقف
موعظہ کلام بوکوده و کنیسه میان یهودیان شہادت دیی کی عیسی هو مسیحہ.
۶ ولی چون اون امرا مخالفت بوکودیدی و اون ناسزا بوگفتیدی، اعتراض کونان
خو لباس خاک بتکانہ و اوشان بوگفته: «شیمی خون شیمی گردن دکفہ! من اون
جا مبرایم. بزین غیر یهودیان ورجہ شم تا اوشان رہ گب بزیم.»

۷ پولس کنیسه ترک کوده، بوشو ایتا غیر یهودی ورجہ کی اون نام تیتوس
یوستوس بو. اون مردی خوداپرست بو و کنیسه ورجہ ہم خانہ داشتی. ۸ گریسپوس،
کنیسه رئیس و توما اون خانہ آدماں به عیسای خوداوند ایمان باوردیدی و خیلی جہ
قرنتس مردوم کی کلام بیشنوسته بید، ایمان باوردیدی و غسل تعمید بیگفتیدی.

۹ ولی ایتا شب عیسای خوداوند، رویا میان پولس آشکار بوسته و بوگفته: «نوا ترسن، تی گب بزن و ساکت نوا ایسن! ۱۰ من تی امرایم و هیکس نتانه تر اذیت و آزار بوکونه، چونکی ا شهر میان خیلی کسان به من تعلق داریدی.» ۱۱ پس پولس یک سال و نیم اویہ بیسه و خودا کلام اوشان تعلیم بده.

۱۲ وختی کی «گالیو» والی استان آخائیه بو، یهودیان همدیگر امرأ همدس بوبوستیدی، فووستیدی پولس سر و اون ببردیدی دادگاه، ۱۳ بوگفتیدی: «أ مرد، مردوم وادار کونه خودای بر خلاف شریعت عیادت بوکونید.»

۱۴ ولی وختی پولس بمو گب بزنه، گالیو یهودیان بوگفته: «ای یهودیان، اگه جرم و جنایتی در کار بو، شیمی شکایت ایشنوستیم. ۱۵ ولی چون شیمی دعوا مرافه، شیمی دین و شریعت وستی ایسه، شیمی مشکلات خودتان ورجه حل بوکونید. من نخوایم دخالت بوکونم.» ۱۶ تومامی اوشان جه تخت داوری اوسه کوده بیرون. ۱۷ همه ای اوشان، کنیسه رئیس کی اون نام سوسننس بو، حمله بوکودیدی و اون والی چوم جلو بزهیدی. ولی گالیو اوشان هیچی نوگفته.